

zcu weßewachs gemacht vnde bey Lipczk gelegen sint, die sie von dem vorsichtigin Michil Yleburg burger zcu Lipczk vnserm libin getrawin gekoufft habin, die her von vns vnde vnsir herschafft mit anderm holteze zcu lehene gehat vnde die vns, vff das wir sie dem vorgnantin conuent geruchtin zcu leihin, noch dem her vns selbir fleißig gebetin, vor sich vnde seine erbin vffgelaßin hat, gelegen vnd vorreicht habin, leihen vnde vorreichin on die erblichin vnde zcu eigin zcu habin zcu ewigin gezeitin ganz lediglichin vnde von ydermenniglich vnuorhindirt, vnde sneidin die abe von vnsir herschafft yn crafft dissis briffis mit allin wirdin vnde rechtin, die zcu habin vnde zcu besitzin erblichin vnde zcu eigin, als die vormals bey vnsir herschafft gewest sint, ane geverde vnde allis argin intrag. Dorvme sie alle iar ierlichin vnde ewigk ein begengkniß tun sollin mit vigilien vnde mit selemessin vor alle die libin selin, die aus dem geslechte von Colditz verscheidin sint adder hernachmols verscheidin mogin, got gebe mit gnadin ꝛ., als das clerlich vßgedruckt ist yn orem briffe, den sie vns dorobir gegeben han. Daby sint gewest vnde sint gezeuge die erbarn vnde festin Hannß Hogenist die czeit vnsir hauptman, Henil Nosticz hofrichter, Nickil Stawpitz vnsir libin getrawin mit andern vil lopfertigin. Des zcu einem bekentniß vnde merere sichirheit habin wir vorgnanter herr Hannß von Colditz vnsir ingesigil wissintlich an dissin briff lossin hengin, der gegeben ist nach Crist geburt vierzehnhundert iar dornoch in dem newnvndvirczigistin iare den nestin montag noch vnsir libin frawin tag wurzewey.

Nach dem Orig. im Rathsarchiv zu Leipzig mit dem wohl erhaltenen Siegel an einem Pergamentstreifen.

No. 234. 1450. 4. Mai.

Probst Burkard und das Capitel bezeugen, dass die Gemeinde Wolfshain über rechtsverwährte Zeit hinaus von dem Kloster vorkommenden Falles immer mit dem Holze die Kabel genannt beliehen worden sei.

Wir nachgeschriebenen Burckardus probst, Jacobus prior, Johannes cantor vnde daß gancze capitel deß closters sancti Thomae zcu Lipczk bekennen in dissim vnsirm offenem brife vor allen den, dy on sehen horen adder lesen, daß wir vnde vnsire vorfaren daß gut die Kabele genant zcu vnsir kirchen eygenschaft gehorende bobin drissig iar, iar vnd tag vnde vil lenger recht vnd redelichin ye vnde ye nach eynander, so dicke sich daß geborit hat, vnsern armen luten zcu Wolfshain gesessin gelegen habin gerugelichen ane eyns ydermannis rechte ansprache; sie haben daß auch vnde ire vorfaren von vns vnde vnsern vorfaren, so dicke also sich daß geborit hat, bynnen der obgnanten czit vnde vil lenger zcu lehne empfangen nach gewonheit vnde laufte der lande. Deß zcu eynem bekentniß habin wir obgnanten probst vnd capittel vnsir ingesigil an dissin brif laßin hengen. Gebin nach Cristi gebort virczenhundert iar darnach in deme funfzigisten iare am montage nach Cantate.

Nach dem Registrum copiarum fol. 57 im K. Haupt-Staatsarchiv zu Dresden.